

明刊三才圖會



明刊三才圖會



三才圖會

雲間元翰父王所纂集

男思義校正

地理八卷

泰山圖

靈巖圖

閬里形勝總圖

孔林圖

瑯琊山圖

大崑崙山圖

太白樓圖

營山圖

盤巫閣山圖

十三山圖

三才圖會

地理八卷

十一

蓬萊山圖

五臺山圖

恒山圖

白登圖

鴈門關圖

單于臺圖

首陽山圖

代王城圖

禹門圖

砥柱山圖

關中圖

終南山圖

驪山圖

太白山圖

武功山圖

朝川別業圖

華山圖

磻溪圖

金牛峽圖

崆峒山圖

仇池山圖

崑崙山圖


軒轅臺圖

三才圖會

地理八卷

二


泰山圖



按泰山在山東濟南府泰安州五嶽之東嶽也博物志云泰山一曰天孫言為天帝孫也主召魂東方萬物始成故知人生命之長短五經通義云一曰岱宗言王者受命易姓報功告成必於岱宗也東方萬物始交代之處宗長也言為群嶽之長白虎通云王者受命必封禪封者增高也禪者廣厚也皆刻石紀號著已之功績以自效也天以高為尊地以厚為德故增泰山之高以示報天禪梁甫之趾以示報地漢官儀及泰山紀云盤道屈曲而上凡五十餘盤自下至古封禪處凡四十里出太安可二里所即入山三才圖會 地理八卷 四


自是皆詰曲逶迤而上翠勢截許若相噬而傍多溪澗泉流礧礧間作悲鳴與箛吹相應久之至迴馬嶺又四里抵御障巖一曰御仗宋永定陵永封止仗衛處其前為巨澗澗底白石砥平如玉色而巖陟上廟其巔頗寬又行可三里抵黃現黃現者不知其所錄名有松五即所謂五大夫者也以厄於石不能茂而稍具虺虺狀又上里許為百丈崖崖四深如屋傍有石洞槎口而下黑其深巨測已度石壁略為十八盤者三而穿中實曰天門行可里許為元君祠元君者不知其所由始或曰即華山玉女也天下之祝

祈禱者趣焉祠宇頗瑰偉後一石三尺許刻李斯篆二
 行一石池縱廣及深俱二尺許亦曰玉女洗頭盆也自是
 左折而上里許曰嶽帝祠陋不能勝香火其後峭壁造天
 左爲開元帝紀太山銘唐隸徑可二寸而巖勢若飛動左
 爲魏題東封頌字形頗秀媚尚可辨又有顏魯公題名自
 是益北上數百武爲絕頂曰玉皇祠祠之前有石柱方而
 色黃可丈許所謂秦皇無字碑也其石非山所有或曰中
 有碑石冒之復折而東稍下百步復上百步石室冠之高
 如玉皇祠中有釐色石蓋方丈室潤可鑑云漢武帝所藏
 二才圖會 地理八卷 五
 金泥玉檢地傳云白雲起封中者是已其前地稍開卽所
 稱日觀秦觀越觀諸峯者蓋五鼓而起觀日出則爲日觀
 西望而見秦則爲秦觀南望而爲越觀天霽日盆弄色其
 東南盡目力微白而見漢者則爲海直北而西隱隱一抹
 蒼碧若長城之堞者則爲太行恆松至稍遠而漣渚濟酒
 千流疊帶近而諸山皆若培塿俄而諸山各出自雲一縷
 若冢中起稍上大如席几數百道則狂馳而遇驟合其起
 無盡其狂馳而遇亦如之頃刻遂徧成白玉地而仰視則
 空青瑩然上下異色所謂野馬縹緲信也



僧俗之陰至雲巖沿澗入來道皆土檀脫賣而虬節入山
 門紅鶴滿林爲開山師法定雙鶴之瑞定師佛圖澄手石
 趙間剎寺無泉則見雙鶴棲山麓遂卓錫而視鶴立與錫
 卓處咸湧二池爲雙鶴卓錫二泉殿製三層二十八角中
 須彌南觀音北藥師東釋迦西阿彌各以其方鎮之爲寺
 正殿殿右一古柏不知種於何年折柏西有石竇于地下
 門扇不開爲魯班洞北數十武浮圖高十三級下與洞通
 爲辟支塔繇龍藏折而北過千佛閣片鐵高七尺作水田
 狀或古佛所遺衣身也爲鉢架婆香積厨東石龜高六尺
 三才圖會
 地理八卷
 七
 空其中以盛甘露泉泉脉近塞而龜遂裂好事者引別流
 以存故實爲甘露亭又北攝而上後倚獅子巖前對雞鳴
 山鐵嶂正方如削下藏一洞洞下標一亭環四山而立夕
 陽之景收一寺盡矣爲抱靈亭遠望東巖縹緲有石如人
 立爲朗公山寺碑不下數百惟蔡下書大碑一幅橫經四
 片爲佳刻寺南一山有穴穿見南天午視之如明星爛然
 冬日之午正與寺對爲通明巖


關里形勝總圖



三才圖會

地理八卷

孔林圖



魯曲阜城殷殷猶存平岡周可二十里今城其西南隅也
舊城南爲今麗譙北則倚孔林周文憲王廟峙城東北駐
特隆起或謂舊當城心爲魯象魏仰然也孔廟直闕闕中
高垣豐廈廊廡翼翼金鋪作闕碣石爲基不下王者宮大
成殿塑聖賢像以次袞冕坐殿前爲杏壇殿陛至門檜柏
多漢唐植種種奇貌其倚門左紋左組子立者爲手植檜
高不踰簷枯無寸幹仄之青理生意蜚馬前朝乃經兩度
榮良異也門內外桓碑最古者一首組製一尖製爲蔡中
郎陳思王書左片石書五鳳二年六月四日成字爲西漢

三才圖會

地理八卷

十

人筆跡出廟門東爲衍聖公弘復宅次顏廟貌亞之博士
君迂于中遠與登樂亭觀顏井廟前爲陋巷遺趾次出城
一廟荒落獸神路檜柏佳行其下翠色欲滴木袂者千步
爲祀周文公處次西五里入林門內一枯楂立五十尺未
什爲子貢楷路斜百餘武封高隱車爲文宣王墓前爲沂
國公伋墓三墓皆東南向對防山而豐碑南向立林園十
里樹萬種不能盡識然無棘茨無鳥獸聲後辰泗水前拱
洙流是爲孔家林問闕宮靈光則已蕪沒久矣林外崇墉
如兩觀起者是爲魯北舊城云



三才圖會

地理八卷

十一

琅邪山在諸城縣東南一百五十里東枕大海齊景公欲
邊海而南放于琅邪即此



三才圖會

地理八卷

十二

大崑崙山在登州府寧海州東南四十里與小崑崙連秀
拔為群山之冠上有太白頂中有烟霞洞本名姑蘓山仙
經云麻姑嘗於此修道上昇餘跡尚存故名姑餘後世說
名崑崙元史云崑崙山丘處機與馬鈺譚處端劉處玄王
處一郝大通孫不二同師重霞王真人於此

烟霞洞在大崑崙山金天定間有重陽王真人自關西抵
崑崙謂山前大姓下氏曰我嘗修煉此山烟霞洞中盡往
登焉于笑曰我世居此不聞有洞乃相與求之果有洞洞
口有烟霞二字太多神異乃為立祠紀石焉

三才圖會

地理八卷

十三



太白樓在濟寧州城濟汶環遶沃野漫衍帆檣上下樓閣掩映頗稱登眺昔賀知章為令時李白過之飲酒於此故名當時碑刻俱存元者作郎陳佩重修李白酒樓記其末有歌


三才圖會

地理八卷

十四




勞山在萊州府卽墨縣東南六十里海濱山有二其一高大曰大勞其一差小曰小勞齊記泰山雖言大不如東海勞逢萌歸自遼東養志修道於此



醫巫閭山在廣寧衛西五里舜封十有二山以此山為幽
州之鎮因是遂為北鎮其山掩抱六里故又名六山上有
桃花洞其中可容五六人又有聖水盆三其水自懸巖下
瀉雖冬不冰又有仙人巖飛瀑巖山下有北鎮廟廟內有
呂公巖上有北嶽行宮箕子祠



十三山在廣寧右屯衛北三十里山下有洞山上有池五
代史胡嶠北行記東行過一山名十三山云此西南去幽
燕二千里又遼史燕王淳討武朝彥至乾州十三山即此
峯巒螺列大小相錯出山海關即望見之凝嵐積翠於大
荒中若遠若近宛若圖畫海上一奇觀也



蓬萊山一名蓬丘山一名雲萊在東海中高一千里地方
 三千里上有金臺玉闕乃神仙之都上帝遊息之地海水
 正黑而為溟渤無風而波浪萬丈不可往來惟飛仙間有
 能到者昔禹治洪水既畢乘輜車度弱水而到此山祠上
 帝於北阿歸大功於九天又禹經諸五岳使工刻石識其
 里數高下其字科斗書非漢人所可曉今丈尺里數皆禹



五臺山在山西太原府五臺縣東北一百四十里環五百餘里山有五峯高出雲表頂皆積土故爲之臺佛經云北方有文殊師利所居之地曰清涼山卽此也山中圓光不時呈現亦時有金蓮鉢葉絳綿花之瑞柳宗元曰雲代間有靈山焉與三乾巽嶺角立相應

中臺高四十里頂平廣周六里頂西北有太華池取水禱雨輒應正東左畔去臺五里有雨花池前三十里有飯仙峰中臺案也東南有蒼峯西則有甘露池

東臺高三十八里頂平廣周二里頂東畔有那羅延洞僅

王才圖會

地理八卷

十九

容人身側入洞中風寒盛夏有水五色光彩嘗從內出又

東有樓觀谷內有習觀巖西北去臺十五里有華嚴嶺仙人洞東南嶺畔二十里有明月池人傳以紗帛障目下觀

或見月在水中西南有清峯一名大羅頂南連望聖臺臺

下有東谷池西南石上有羅侯顯跡又有善才菴又東去

臺有溫湯池溫泉寺

西臺高三十五里頂平廣周二里頂上有魏文帝人馬跡

北有秘魔巖洞天陰中有聲如風西嶺畔有薩搖崖損身

崖去臺西北有八功德水東北下有文殊洗鉢池

南臺高三十七里頂平廣周二里南去七十里麓畔有聖僧巖又名滴水巖西南二十里西崖畔有三賢巖又名七佛巖東三十里交口下有聖鍾山狀如覆鍾西北十五里有清涼嶺嶺西北有清涼泉上有羅漢洞東北竹嶺東南十里有金閣嶺

北臺高三十八里頂平廣周三里名拔手峯頂南畔有羅侯臺臺頂有黑龍池卽天井南下二十里有白水池與天井連其水經繁峙縣義谷口入滹沱其麓有七佛池南又

有飲牛池東北有寶陀峯又名寶山產銀石碌又產天花


王才圖會

地理八卷

二十

柴東北三臺麓有金剛窟又名金剛洞去二臺各二十里

昔佛陀波利入此不出



按恒山五嶽之北嶽也在山西大同府渾源州周官并州其鎮山曰恒山風俗通曰恒常也萬物伏北方有常亦謂之常山高三千九百丈七尺上方三十里周廻三千里有太玄之泉神草十九種服之可度世營丁云其山北臨代南俯趙東接河海之間早生而晚殺五穀之所蕃熟四種五穫焉後魏書云道武立廟於其上置侍祀九十人歲時祈禱水旱至文成帝東巡親禮其神焉

又

北嶽在渾源州之南為舜北巡狩之所恣生于天縱盤于

地其胸壘高雪其巔經赤日循坡東逶嶺北而上是多珍花靈草恣能不類姚芳李葩映戴左右山半俯窺高如緣虛歷空上七里是為虎風口其間多橫松強柏狀如飛龍怒虬葉皆四衍登頻三里始至嶽廟之上上有飛石窟兩崖壁立豁然中虛相傳飛于曲陽縣今尚有石突峙故歷代怯升登就祠于曲陽以為亦嶽靈所寓也又數十步許為聚仙臺堂上有石坪東則漁陽上谷西則大同以南奔峯來趨北盡渾源雲中之景南目五臺隱隱在三百里外而翠屏五峯畫錦封龍諸山皆俛首伏脊于其下



三才圖會

地理八卷

廿三

白登在陽和城南三十里坡陀漫衍沙草荒蕪有廢壘焉
居人數十家如蜂房蟻垤史記漢高帝自將討韓王信居
晉陽聞目頓單于居代谷悉兵三十萬北逐之至平城兵
未齊冒頓縱精兵四十萬圍帝於白登七日用陳平秘計
乃得解圍去即此地也

鴈門關



三才圖會


地理八卷

廿四

鴈門關在山西代州鴈門山因山以立凡山西之關四十
有餘皆踞臨保固而聳拔雄壯則鴈門爲最故趙之李牧
漢之郅都備邊於此匈奴不敢近塞固皆一時良將而不
可謂非地險以成之也出代州北行皆登陴盤繞之路溪
水潺湲其民皆依山居高下置屋圖不可盡午上關折西
躡高嶺絕頂四望則繁峙五臺聳其東寧武諸山帶其西
王陽石鼓挺其南朔州馬邑臨邊之地在其北長坡峻阪
茫然無際又見魏旌高旗飄飄雉堞之上寒林古塞依依
斜陽之下頗動黃沙紫塞之思



單于臺在今大同府邊外故榆林縣地漢武帝行過雲中
勒兵十八萬登臺使人約匈奴與戰匈奴逃避不敢至



首陽山在蒲州南四十五里爲伯夷叔齊隱處至山下謁
 二賢祠門之外有古柏二其一大二十圍高三丈許形狀
 殊怪其次圍殺三之一二根相距數尺而幹上交若兄弟
 之相倚者傳爲二賢手植殆未必然其亦千年物歟祠之
 像爲宋元祐中所塑其前復塑一白鹿道士云二賢食薇
 兼飲鹿乳故塑之此說不見傳記人鮮有知者祠下有歷
 代石刻其最舊者唐開元十三年葉昇卿碑也祠之右卽
 二賢葬處高墳竝峙上多古柏且墳之前爲屋中豎山谷
 老人碑及刻首陽山古賢人墓六大字先儒謂首陽卽古
 三才圖會 地理人卷 廿一
 之雷首也禹貢曰壺口雷首至於大嶽蔡仲愚云雷首在
 蒲坂縣南蒲坂卽今之蒲州蓋州之山無所謂雷首者今
 首陽北數里有中條山州志謂此卽雷首曰中條者以其
 界河曲之間延綿不絕故名又謂中條之下有水曰雷澤
 卽舜所漁之地此又可見中條之爲雷首矣若雷首之獨
 稱首山猶大華而曰華山匡廬而曰廬山此自昔皆然不
 可謂首山爲汎名也

代王城圖



三才圖會 地理人卷 廿二
 代王城在蔚州城東二十里遺墟故址尚存甚巨成湯時
 所封代子之國也或誤以爲漢文帝之遺非是按史記趙
 無恤之姊爲代子夫人無恤欲滅代乃與代子好會於夏
 屋山爲銅斗而長其柄使宰獻炙魚因柄擊代子殺之遣
 人召其姊夫人聞代子死乃慟哭磨笄自刺而死今其地
 有磨笄山俗稱馬頭山



禹門禹貢龍門也亦曰禹門渡云兩山石立河出其中廣
 百步世謂禹鑿所謂三月魚上渡而為龍也其東岸曰看
 鶴臺尤孤峭不可下瞰西為梁山即河梁也北曰建極宮
 道家祠神禹者也刻石十餘多元名臣文地極幽其間烟
 雲水石之聚蛭蛇罔象之居相傳桃花開時河水噴激聲
 震萬雷殆異今也並河之東為太史公墓前為廟有晉永
 嘉中殷濟樹碑今皆圯於河下山過子夏墓墓在新豐里
 新豐南曰通化里即文中子講學處也又有東皇子黃頰
 山詩東皇子文中子第也名續字無功以琴酒自娛隱黃
 三才圖會 地理人卷 三十
 頰山題是詩山壁詩極末非唐以來人語宋熙寧初學公
 壽始訪其地刻石縣學內載所游其石陰附以龍門之歌
 龍門今天開河水今天來我思古人今何在哉